

**ORATIO  
BARTHOLOMAEI  
BAPHIJ  
LUCINIANENSIS  
CONUENTUALIS...**

---

Bartolomeo Baffi



rendus quam tibi? qui quotidie nouum aliquod tuæ insti-  
diosos beneuolentiæ signum ostendis, neque vnquam bene  
de ijs mereri desinis, in quibus quanquam ipse inferiorem  
locum teneo: tibi tamen tam addictus, tam deditus,  
tamq̃ obstrictus ero, dum anima spirabo mea, quàm qui  
maximè, & re tibi, vt potero, præstabo, & quam sin-  
gulari in te obseruantia sim, & esse debeam: cuius qui-  
dem vt argumentum aliquod, anq; inditium hoc tempo-  
re afferrem, Orationem hanc à me de nobilitate Mediola-  
ni habitam, quam in tenebris iacere constitueram, vt ea  
luminis tui splendore illustretur, te duce, teq̃ auspice ap-  
parere, in lucemq̃ prodire volui ab eadem Vrbe quasi cō-  
monitus amātissima tui, & multis, ac iustissimis de cau-  
sis tibi carissima: quæ si tibi aliqua ex parte probabitur,  
optādum quiddam me esse affecutum existimabo, sin mi-  
nus, & calcar mihi additum, & nunc officio esse fun-  
ctum beneuolentissimi, atq; obseruātissimi filij, quem me  
tibi semper futurum esse persuadeas velim. Vale meiq̃  
memoriam tene.

ORATIO BARTHOLOMAEI BA-  
phij Lucinianensis de Nobilitate  
Vrbis Mediolani.



*I* Vniuersa Franciscanorum Pa-  
trū familia, Viri mediolanenses,  
in hunc locum ad dicendum orna-  
tissimum potuisset ascendere, ne-  
mo profectò ex tanto numero, ut  
mea fert opinio, fuisset, qui ma-  
gnificentissimæ Vrbis vestræ laudandæ, & agendarum  
vobis gratiarum causa, non huc libenter aduolasset, ut  
præsenti quadam pietate memoriam, beneuolentiamq̃,  
quam debet, vobis præstaret, & vestra in nos beneficia  
vobis faceret iucundiora. Sed quando id fieri minimè po-  
test, faciundum putauit Amplissimus, atq; officiosissi-  
mus noster Antistes, Republicaq̃ vestra studiosissimus,  
atq; obseruantissimus; ut aliquem de sua familia in hunc  
excelsū, & illustrem locum mitteret: non qui pro ma-  
ximis vestris in nos meritis uili munere defungeretur ora-  
tionis, sed potius grati nostri animi in vos omnes, &  
Rempublicam vestram totius ordinis Franciscani nomi-  
ne indicium aliquod, atq; argumentum asferret. Cū au-  
tem hoc difficillimum, ac grauissimum mihi munus sorte  
obtigerit, utinam quanta est vestræ Vrbis maiestas,  
quantas est nobilissimorum virorum dignitas, & splen-  
dor

dor, tanta mihi quoque in esset dicendi vbertas, & copia: sperarem enim talem me hodierno die habiturum orationem, quæ vobis omnibus satisfaceret. Verum cum videam, quàm sit exiguum ingenium meum, quàm mediocris dicendi exercitatio, hîc verò nihil esse, nisi excelsum atq; eximium, siue in vos, Clarissimi viri, oculos conuertam, siue religiosissimos hos Patres intuear, non possum non exalbescere, & tota mente, ac omnibus artibus contemiscere: cum præsertim suscipere rem tantam quantam non modo facultate consequi difficile esset, sed etiam cogitatione complecti, vix existimem eius esse, qui veretur reprehensionem doctorum, atq; prudentû. Quid enim est maius, quàm de illius vrbis, quæ nulli earum, quæ sunt, quæque fuerunt quæuè post alijs erunt in annis, cedere debet, præstantia, ac nobilitate dicere? Non enim pro illius laudibus communes mihi loci sunt petendi, quibus passim oratores vti consueuerunt, vt illorum crescant præconia, de quibus ipsi dicturi sunt: sed ex te ipsa, vrbis nobilissima, tua est mihi laus ducenda, tu vna tibi sufficiens ad gloriam, tu ita tuo splendore nites, vt potius cogitandum sit, quæ ex refertissima laudum tuarum silua sine scelere præteriri debeant, quàm opus sit dicenti perquirere, quæ accurata dicendi ratione, aut ornata oratione exornari possint: non enim oratorijs fucis, sed tuis tu coloribus pingenda es: quippe cum ea existas, in qua non adumbratum simulacrum, sed tota nobilitatis effigies illustris cernitur

cernitur, atq; perspicua. De te tamen mei muneris obeun-  
di gratia bona vestra cum uenia aliqua primoribus labris  
gustabo, & extremis ( vt aiunt ) digitis attingam. Sunt  
igitur, qui nobilitatem virtutibus acceptam referant, sunt  
qui diuitijs, alij malunt nobilitatem esse gloriam, & ma-  
iorum claritatem: sed omnia hæc nobilitas suo quodam  
iure postulare videtur, diuersis tamen rationibus. Vir-  
tus quidem interior est nobilitati, diuitiæ verò instrumen-  
tum sunt, à quibus qui vacuus est, ac nudus, non potest  
egregia nobilitatis opera exercere. Gloria deniq; , siue cla-  
ritas pulcherimus quidam fructus est, qui à nobilitate pro-  
ficiscitur, & quemadmodum umbra corpus consequitur,  
ita virtutem gloria, vt verum sit illud.

, Gloria virtutis comes est, vt corporis umbra.

Quæ omnia in hac vrbe sita, & collocata esse, vel innu-  
ta potius quotusquisq; est, qui non videat? nam si in  
Scipionis Nasicæ à Senatu optimi iudicati sententia si-  
mus, qui crebris solebat vsurpare sermonibus, cùm de  
vrbe aliqua sibi agendum esset, mænia spectanda, &  
mores multo etiam magis, ac virtutes perpendendas: quo-  
rum quidem alterum oculos mouet, ac pascit, si ordine,  
si modo, si ornatu, si pulchritudine, & recta ratio-  
ne constitierit: alterum verò magis delectat, cùm &  
virtus, & honestatis institutio, & rationis disciplina  
inerit: hanc Ciuitatem quocunq; nos oculis atq; animis  
conuertimus, nobilitate præstantem, & rebus amplissi-

mū, atq; honorificentissimū ornatam esse dicendum est :  
Legenti præterea mihi, & memoria vetera, & anti-  
qua Urbis vestra munimenta repetenti perbeata mihi  
semper fuisse videtur, vel quòd & honoribus, & rerū  
gestarum gloria floruit, vel quòd eum semper cursum te-  
nuit, ut & in negotio sine periculo, & in otio cum di-  
gnitate fuerit, vel quòd longo seculorum ordine semina-  
rium quoddam habuit sapientissimorum virorum, qui  
belli pacisq; gloria insignes extiterunt. Itaq; Bellouesus  
ille vir clarissimus ex Regia stirpe Gallorum, qui huius  
Urbis pulcherrima fundamenta iecit, quiq; circumpada-  
ne huius regionis Coloniarum fuit autor, quàm ingenuè  
quàm plena manu tollendus est in astra: qui non modo  
urbem natura, & situ, & descriptione ædificiorum,  
& pulcritudine nobilissimam condidit, sed etiam stirps,  
ac semē fuit, ex quo tot, tantiq; aurei rami procreati sunt,  
qui vberrimos, ac suauissimos fructus tulerūt. Quæ gra-  
ta memoria? quæ magnitudo obseruantie tanto beneficio  
respondeat? Quæ vbertas ingenij satis laudare optimum  
maximū quæ virum posset? Vir regius regiam urbem  
condidit, nobilissimus nobilissimam ciuitatem fundauit.  
Et quanquam non sum nescius esse nonnullos, qui aliter  
sentiant, plus tamen apud me ( licet quis rem tam vete-  
rem pro certo affirmet? ) probatissimorum & lectissimo-  
rum scriptorum autoritas valet, qui à Gallis insubribus  
duce Belloueso conditam hanc urbem, & à nomine re-  
lieti

lieti ab eū Mediolani appellatam putant : cum præser-  
tim ipse etiam Ptolemæus Mediolanum oppidum in  
Gallia lugdunensi inter ligerim , & sequanam fluuios re-  
censeat. Hic igitur vir sapientissimus diuino quodā numi-  
ne afflatus, cū primū huius cæli salubritatem, & singula  
rem temperiem , aerisq; amœnitatem oculis , ac ratione  
perlustrauit, optimamq; etiam, ac fertilem regionem, &  
vbertate agrorum , & varietate fructuum, & magni-  
tudine passionis , & multitudine earum rerum , quæ ad  
victum, cultumq; pertinent, tum fontes , riuos , fluuios ,  
& innumerasq; artificiosas, tum naturales & saluber-  
rimas quidem aquas, vt solū hoc toto anno ferè herbesce-  
ret , arboresq; frondescerent, florerent plantule, ferrentq;  
suauissimos fructus, sedem omnium rerum, ac fortunariū  
hic collocauit eo consilio , vt perpetuò hic vitam tran-  
quillissimam , ac felicissimam degeret, urbemq; hanc po-  
steris amplam , & magnificam relinqueret , atq; ad im-  
mortalitatem consecraret. Iam inde ab eo tempore cæpit  
huius ciuitatis nomen longe, atq; latè vagari : nam postq;  
in vna mœnia conuenere Biturgi , Aruerni , Senones ,  
Edui , Arbarri , Carnuti , & Aulerici inter Celtsas po-  
puli, quos secum Bellouesus duxerat , incredibile dictu  
est, quàm facile coaluerint, quàm breui hæc Urbs mori-  
bus optimis, viris illustribus aucta sit, quàm prospera, ac  
pollens sit facta. Etenim post Bellouesi obitum , cū Se-  
gonesus filius in eius locum successus esset , animi robore ,



& scientiæ rei militaris, qua plurimum valebat, fretus  
una cum suis ciuibus Galliam Cisalpinam in suam ditio-  
nem, ac potestatem redegit, à cuius quidem belli gloria, et  
laude, à cuius perenni, contestataq; virtute eius filius Bru-  
nesedus minime degenerauit: propterea quod Brenno Sue-  
uorum regi magno cū exercitu in Italiam descendenti oc-  
currit, copiasq; omnes eius deleuit, fugauitq; eodem loco,  
vbi erat pugnatum, victoriamq; gloriosam hæc Vrbs eo  
tempore consecuta est. Quæ & si paucis post mensibus  
cladem ab eodem Brenno accepit, qui firmissimum exer-  
citus comparauerat, non tamen hostibus fortunaq; succu-  
buit, sed eorum iniuria huius amplitudinem illustrauit:  
tantum enim in opibus, viribus, gloria progressum fecit,  
vt euolare, non excurrere videretur. Itaq; vt Polybius,  
Strabo, & Plutarcus aiunt, quod ab ea nouæ aliæ propa-  
garentur vrbes, Metropolis dicta est: Mediolanenses  
enim domi militiaq; intenti hostibus obuiam ibant, pa-  
triam, parentes, liberos armis protegebant. Quamobrem  
legittimum imperiū merito sibi parauerunt: eorum enim  
res gestæ satis amplæ, magnificæq; fuerūt. Verum, vt est  
hominum ingenium, cū maiorem gloriam, dignitatem  
imperium concupiscerent, simulq; Romanorum potentiā  
pertimescerent, cum Viridomaro post primum bellum  
punicum contra Romanos societatem inierunt, à quibus  
& si aliquando victoriam reportarunt, Marcus tamen  
Marcellus Viridomaro interfecto urbem vestram  
subegit:



subegit : cui tantum abest , vt aliquam vim , iniuriamq̃  
attulerint Romani , vt etiam munuerint , adiuuerint ,  
auxerint : Gn.n. Pōpeio magno consule Urbis vestræ Præ-  
tor Gabinius nobilissimus ciuis Romanus creatus est, qui  
huius Urbis tanta delectatione , beneuolentia , vel amore  
potius ductus est, vt præterquam quod iuuandi desiderio  
ardens salutare liberalitate , & diligentia incredibiles  
utilitates attulit , magnifica etiam ædificia construxerit,  
& theatrum , & viridarium pulcherrimum ; quò ani-  
mi gratia Urbis principes profiscerentur : vt quemadmo-  
dum aues conditionis , & naturæ suæ argumentum con-  
struendi nidi opificio præbent, ita in hac Vrbe amplissima  
ædificia nihil nisi hominum præstantiam indicarent. Id  
quod cum optimè omnium nouisset Gabinius Mediola-  
num secundam Romam appellare non dubitauit , tanta  
vestræ Urbis incredibilis , ac propè diuina virtus , tanta  
exitit amplitudo. O rem miram Romanus ciuis verita-  
te ( credo ) compulsus hanc Urbem propemodum Rome  
æquauit. Vt autem, quod senserat immortalitati cōmen-  
daret , marmore sculpendum voluit : quod tacitus præte-  
rire nullomodo potui , hec autem eius verba sunt.

, Dic homo , qui transis, dum portæ limina tangis  
, Roma secunda vale , regni decus imperiale :  
, Urbs veneranda nimis , plenissima rebus opimis ,  
, Te metuunt gentes , & tibi flectunt colla potentes ,  
In bello Thebas , in sensu vincis Athenas.

Quamobrem minimè mirum debet cuiquam videri, cum optimum quidq̃ per se expetatur, ac diligatur, & C. Cæsari, & Augusto Urbem vestram in oculis fuisse: quin multo etiam magis Deo Optimo Maximo, cuiusquidem, audite, queso, Viri Mediolanenses, benignitatem, & clementiam in vos incredibilem, ut essetis ab omni parte beati, virum illum sanctissimum Apostolum Barnabam ad vos misit, Episcopumq̃ vestrum instituit, ut Christum verum Deum & dominum nostrum, verumq̃, servatorem agnosceretis, ut in viam rediretis, & vos ad bonam frugem reciperetis, cælum deniq̃ ut adiretis, ubi ævo sempiterno fruamini. O benevolentiam inusitatam, ò inauditam immortalis dei in hanc Urbem charitatem: hæc vera gloria vestra, hæc perpetua laus est, quæ non Poetarum carminibus, non annalium monimentis, sed prudentium iudicio expenditur. Per ea vero tempora ut ad summa fælicitatem vestram cumulus accederet, nihilve desideraretur, quod homini fas esset optare: cum bonarum artium studijs floruit: Vergilius. n. Maro philosophicam hinc togam sumpsit, tum a clarissimis Imperatoribus culta est: nam & Nerva, & Traianus ita huius Urbis delectatione ducebantur, ut capitoliū hic, ille verò nobilissimum palatium edificandum curauerit. Quid Adrianum? quid Maximianum Herculeum cōmemorem? quibus nihil potius fuit, quàm ut Mediolani habitarent. Quid dicam de Constantino? quid de

Constantio

Constantio? quid de Valente? quid de Valentiniano?  
quiquidem non pluri vel Urbem Romam, uel Byzantiū,  
quàm Mediolanum fecerunt: Ut enim volucres utilita-  
tis suae, & leuandi laboris causa passim, ac libere solutas  
opere volitare videmus; ita Imperatores hi defessi nego-  
tiorum curisq; publicis relaxandi animi gratia huc se confere-  
bant vacui cura, atq; labore. Theodosius vero maximus  
Imperator, qui & scientia rei militaris, & religione flo-  
ruit, de quo Claudianus poeta ait.

O nimium dilecte Deo tibi militat aether,  
& Et coniurati veniunt ad classica venti.

Hic inquā relicto Byzantio, Urbe Roma, omnibus Impe-  
rij sui regionibus in hanc se celeberrimam, & nobilissimā  
Urbem recepit, in hac luce vixit. Nonne hoc ad gloriam  
vestram pertinere videtur? Videre enim videor eo tem-  
pore famam de Urbe vestra Indos peragrarē, Caucasum  
transcendere, Gagenq; tranare: Videre videor omnibus in  
terris versari, & habitare nominis vestri gloriam; de vo-  
bis omnes gentes loqui: etenim Barbarae illae nationes, ex-  
tera illae gentes cum inter se mutuum de Imperatore habe-  
rent sermonem, quò profectus Imperator? Mediolanū:  
Vbi terrarum commoratur? Vbi conquiescit? Mediola-  
ni. Quam potissimum Urbem illustrat? quam deniq; libe-  
ralitate, & muneribus prosequitur? Mediolanum. O  
ter felicem, ac beatam Urbem: vobis, ciues optimi, Theo-  
dosius clauum illum, quo Christi seruatoris nostri manus

crucis ligno fuit affixa, dono dedit, vobis tria illa sanctissima magorum corpora, qui Christo infanti preciosa munera obtulerunt. Quid hoc beneficio maius? quid hoc diuino munere prestantius? quid sublimius excogitari vnquam potuisset? hæc autem, & innumerabilia alia officia num propterea in hanc Ciuitatem contulit, quod opus Vestrarum, tectorum auro fulgentium, vermiculatorum emblamatum, soli vbertatis, hortorum amœnitatis, fructuum copia, collium apricorum, vagorum fluminum, quibus ornata semper fuit hæc vestra regio, delectatione, vel amore captus esset? minimè verò: sed quod vestre Urbis ciuium tanta bonitas, virtus, religio, tanta denique integritas, & præstantia extitit, vt non posset eos non mirifice diligere, & quàm maximis officijs complecti, Ambrosium præsertim sanctissimum ciuem vestrum, ac pastorem optimum, quem quidem hic vir tanta obseruantia coluit, vt in eo colendo patriam sibi constituerit sanctitatem, cui sic fuit addictus & omnibus in rebus obsequens, vt ne vestigium quidem, néue transuersum vnguem tantus Imperator ab illius voluntate vnquam discesserit. Nec me hercule iniuria: nam si tanta vis probitatis est, vt eam vel in eis, quos nunquam vidimus, vel quod maius est, in hoste etiam diligamus, quid mirum si animus huius moueretur, cum tantorum virorum præstantiam, quibus cum vsu, & amicitia cõiunctus erat, et diui Ambrosij virtutem & bonitatem perspiceret? cuius sanctissi

mi Viri laudes silentio prætereundas esse duxi: propterea  
quod eius nominis splendor animi mei aciem perstringit;  
& mentis quasi luminibus officit altitudo illius sanctita-  
tis, doctrinae, & gloriæ, quis enim satis dignè tantum Vi-  
riam laudare unquam posset? Tantum dicam illius in  
Christianam religionem meritis nullam etatem caligi-  
nem offundere, nulla tempora gloriam minuere, nullam  
obliuionem eius memoriam delere posse. O terram illam  
beatam, quæ Virum hunc excepit, hanc ingratham, si ei-  
cisset, miseram si amisisset. Hi duo igitur Viri Ambro-  
sius, & Theodosius (Viri Mediolanenses) Vtrum vo-  
bis, maioribusq; vestris plus dignitatis, gloriæ, splendoris  
in perpetuum, an vtilitatis, emolumenti, fructus attule-  
rint, non facile dixerim. Quare meritò maiores vestri,  
(ut nonnulli scriptores illustres scriptum reliquerunt) eo-  
rum mortem equo animo ferre non poterant, Senatus lu-  
gebat, mærebat Equester ordo, tota ciuitas confecta se-  
nio erat, squalebant omnes Italiæ Vrbes, afflictabantur  
omnes boni, agri deniq; ipsi tam beneficos, tam salutares  
viros desiderabant: quis enim non ingemisset? quis dolo-  
re non arsisset? quos immortales, si fieri potuisset, omnes  
exoptassent: cum presertim tanquam ex alta specula fu-  
turam tempestatem prospexissent, ac infinita propè ma-  
la, pericula, & calamitates, ut Tantalosaxum, sibi im-  
pendere vidissent. Nam post Theodosij obitum, ò durissi-  
ma, atq; accerbissima tempora, nihil misere, et plusquam  
dici

dici possit, Italiae aliud obiectum est nisi crudelitas, nisi excisio, inflammatio, eversio, depulatio, vastatio, ut spiritus (ut ita dicam dumtaxat viueret, re quidem infra omnes mortuos amandata esset: etenim Attila Hunnorum Rex Italiam hostili manu ingressus Aquileiam triennio obsedit, quam acriter oppugnatam tandem cepit, diripuit, & incendit, nec ulli hominum generi pepercit: tum Ticinum, urbemq; hanc vestram, ac totam Galliam Cisalpinam magnis incommodis affecit. Cum tamen immortalis Deus urbem hanc, cuius praesidijs tecta semper est, cuius numine ab omnibus insidijs aduersariorum defensa, respiceret, non multo post Diocletianum Mediolanensem Italiae regem, quem à Theodoro huius Urbis Archiepiscopo corona ornandum curauit, qui multas victorias de Gallis Germanisq; Italiam vastandi cupidus adeptus est: eaq; extollere iam caput, & aliquando recreata se erigere coepit. Tum ab eodem Theodoro Maximiano insigne Regium hinc fuit impositum: Tum Theodorico, qui ad auxilium percussa, ac prostrata Italia à Zenone Imperatore missus accesserat, ferrea hinc corona imposita est, perinde quasi qui in potestatem, ac ditionem suam Italiam, Mediolanumq; redigere voluisset, ei ferreis armis esset utendum. Tum Alaricus nepos à beato Datio Urbis vestrae Archiepiscopo: tum Ildebardus, tum Totila Gothorū Rex eadem corona decoratus est. Quid Alboinum? quid Eutharim? quid Agiluphum, ac mul



tos alios Longobardorum Reges recenseam. Cur arbitramur hos potentissimos Reges in hac amplissima, atq; ornatissima Vrbe coronari voluisse? Num vt eam illustrarent? num vt suo splendore decorarent? vel autoritate cohonestarent? immo vero vt ipsi dignitate ornarentur; atq; honore auferrentur à tam nobili tamq; præstanti ciuitate: quamquidem mihi videtur præstantiam omni tempore retinuisse: hîc enim, & Ludouicus secundus Imperator diem suum obiit & Henricus primus Imperator è gente Bauara vir optimus, ac sanctissimus ferream coronam accepit. Et licet in tot, tantisq; malis, & quasi parietinis Italia non potuerit non multa incommoda subire (non enim possunt in vna regione multi affligi, vt non plures secum in eandem calamitatem trahant) tamen cum sua ipsius fortitudine, robore, ac consilio, tum vel maxime diuino auxilio munita, ac fulta summa cum gloria magnis periculis defuncta est: nam Corradus, qui in demortui Henrici locum fuerat successus, hanc urbem obsessam, vt ei seruire iugum imponeret, tantum abest, vt ceperit vestrorum ciuium virtute, & animorum magnitudine, & diui Ambrosij præsidio, cuius exemplar obuiam factum Imperatori mortem minatus est, nisi à Mediolani obsidione discessisset, vt etiam in Germaniam reuerti sit coactus: O Augustam ciuitatem, quæ diuinitus ab improborum impetu defensa es: in quaquidem vtinam pestis aliquando non fuisset ne



faria, & malum inclusum penitus in Venis, atq; visceribus Reipublicæ, sed scriptum in fronte vniuscuiusq; ciuis fuisset, quid sentiret: non enim scelestissimus ille Federicus Imperator, qui Barbarossa vocatus est, furens audacia, scelus anhelans, pestem Italiæ nephariè moliens, atq; huic Vrbi ferrū, flāmamq; minitans, vim, manus, vastitatem vobis intulisset, vestraq; Vrbi non plagam planè insanabilem, ac mortiferam imposuisset, atq; inflixisset: quæ, proh dolor, ita omnia Italiæ oppida, municipia, Vrbes, vniuersam deniq; Rempublicam Christiana nam percussit, vt nihil propemodum grauius, atq; acerbius post hominum memoriam vnquam tulerint, communi nemq; eam calamitatem existimauerint. Verùm audite optimi viri, singularem in hanc Urbem pietatem, ne tantum semen Urbanitatis, nobilitatis, ac virtutis interiret, vicinæ, ac sociæ Vrbes Cremona, Placentia, Verona, Patauium, & complures aliæ ad Mediolanum restitutum, ac de integro muniendum cateruatim confluerunt. O beneficentiam, & humanitatem egregiam: non enim vt gratiam exigerent, non vt beneficium facerentur, non aliqua spe mercedis adductæ, sed beneuolentia, vel amore potius in vos, Urbemq; vestram incredibili ad auxilium accesserunt. Quæ res nihil vobis amabilius, nihil vrbe vestra pulchrius, nihil formosius fuisse indicauit: hæc enim fuerunt indicia solida, & expressa, hæc signa probitatis vestræ, non fucata aliqua specie,

specie, sed insignibus inuſta notis veritatis: quot enim  
quantæq; vrbes quondam florentiſſimæ fuerunt, quæ po-  
ſtea proſtrate, ac dirutæ nunquam fuerunt reſtitutæ.  
Equidem ſexcentas, quas ratione breuitatis prætereo,  
poſſem enumerare. Hæc autem veſtra nulla fermè inter  
poſita mora, nulla propemodum facta temporis interca-  
pedine in priſtinum ſtatum, dignitatemq; redijt, palmæq;  
naturam imitata eſt: Vt enim ſi ſupra palmæ arboris li-  
gnum magna pondera imponas, ac tam grauiter vrgeas,  
onerēsq;, Vt magnitudo oneris ſuſtineri non queat, non  
deorſum palma cedit, nec intra fleſcitur, ſed aduerſus  
pondus reſurgit, & ſurſum nititur recuruaturq;: ita hæc  
fortiſſima ciuitas, & ſi multis calamitatibus preſſa eſt,  
paulo tamen poſt reſurgens tantas copias cū ſocijs ciuitati-  
bus coegit, quantæ ad defendendam ſuam ſalutem liber-  
tatemq;, & ad hoſtem oppugnandum conſici poterant.  
Itaq; cum eodem Federico ab equitatu & peditatu fir-  
mo decertare, manumq; conſerere non dubitauit: de quo  
quidem ſupplicium multis modis (Vt memoriæ proditum  
eſt) ſumpſit: tum quòd eius exercitum deleuit, ac fuga-  
uit, & ad fœdus in eundum compulſit: tum quòd de Fe-  
derico ſecundo illius nepote victoriam adeò glorioſam Ot-  
tone Mandello duce conſecuta eſt, Vt in Apuliam fuga-  
uerit, vel potius eiecerit: Poſt cuius fœdiſſimum diſceſ-  
ſum Mediolanenſes non ſolum in priſtinam ſe dignita-  
tem vindicarunt: ſed ad illam antiquam virtutem, con-

suetudinemq; se penitus reuocarunt; & Usq; eò, vt eundem imperatorem, qui validissimo exercitu in Galliam transpadanam redierat, vt Mediolanensibus negotium facesseret, nullo ferè negotio propulsauerint, ac fugientem persecuti sint: eiusq; filium captiuum per triumphum in Urbem duxerint. Sed erigite, quæso, aures hospites, erigite aduena, vt Mediolanenses victores hostem etiam benignitate, & clementia vincerent (de hoc enim cælo spiritus hominum virtutum semina quædam contrahit) tantum abest, vt eius filium aut aliqua iniuria, contumeliaue affecerint, aut verbis violauerint, vt etiã incolumẽ honestè patri restituerint. O clementiã admirabilem, atq; omni laude, prædicatione literis, monimentisq; decorandã. O ingentem humanitatẽ, quæ vix cælo capi posse videtur. Quodnam genus hominum ita modestè, ita temperatè, ita deniq; sanctè se vnquam gessit? Accepimus Alexandrum Macedonum regem Darij hostis vxorem, ac filium benignè tractasse curasseq;, nequid detrimenti caperent: nunquã tamen tam honestè remisisse. Romanam Rempublicam legimus Syphacem olim Numidiæ Regem in custodia Tiburi mortuum publico funere censuisse efferendum: eandem, literis traditum est, cum Carthaginenses legati ad captiuos redimendos in Urbem venissent, nulla accepta pecunia ijs restituisse: eos tamen nunquam (pace tantæ Reipublicæ dixerim) ad patrum veterorum normam fuisse clementes existimauerim. Illi

enim

enim aduersus eos se comiter gesserunt, quibus cum de imperio decertabant, *Mediolanenses* Verò aduersus eos, qui patriæ, parentibus, aris, atq; focis, tectis Urbis, Dei immortalis templis non solum impium bellum, ac nefarium parauerant, sed cædem, incendia, aliaq; fæda, ac crudelia facinora fuerant minitati, ac moliti, quorum auus *Federicus* urbem hanc extinguere, atq; funditus eradicare studuerat. Quamobrem credo ego, quòd ad diuinam clementiam, ac benignitatem voluntate proximè accessit hæc *Respublica*, Deum optimum maximum ut aliquo eam beneficio afficeret, eo tempore libertate penitus donasse, vestrumq; Imperium amplificare voluisse, nedum ea restituere, quæ in uestro antea dominatu erant. Nam post *Martini Zurriani* Urbis Prætoris obitum, quemquidem virum præstanti prudentia, & magna liberalitate fuisse legimus, in eius locum *Philippus* frater maximi animi homo successit, qui *Bergomum*, *Nouariam*, & *Laudum* sub imperium *Mediolanensis* populi subiunxit, cui si longior vita contigisset, nullum non præclarum facinus fecisset. Nepos Verò eius *Napus Vicleuanum*, *Palatiolum*, ac nonnulla alia oppida addidit. Quid dicam de *Matheo* ex nobilissima *Viccomitum* familia? in cuius potestate nobilissimæ Urbes fuerunt *Cremona*, *Bergomum*, *Placentia*, *Vercella*, *Alexandria*? Quid de *Luchino*? qui *Brixiam*, *Aequream*, *Tortonam* habuit? *Galeatius* autem primus *Ticini* dominum,

*Ticinum*

Ticinumq; ipsum cepit, & Cremam. Ioannes autem  
Archiepiscopus Galeatii frater tum Bononiam, quæ Ul-  
tro se dedit, tum Genuam nobilissimas Vrbes accepit.  
De Bernabouis autem rebus gestis si agere vellem, vix  
vno die complecti possem. Sed silentio praterire nullo mo-  
do possum Ioannem Galeatium virum egregium, in quo  
quatuor illa, quæ in summo Imperatore inesse oportet,  
fuerunt Scientia rei militaris, virtus, autoritas, &  
felicitas, qui ita huius Urbis nomen in cælum sustulit, vt  
nulla Vrbs, neque Italiae, neq; Transalpinarum ab hinc  
mille annis huic Vestrae sit comparanda, cuius Imperium  
sic propagauit, vt nulla regio, nullus Rex, vel Impera-  
tor esset, qui & Mediolanum, & Ioannem Galea-  
tium non admiraretur, ac suspiceret: talis enim fuit, vt  
nulla res tanta esset, ac tam difficilis, quam ille non &  
consilio regere, & virtute conficere posset. Huius ego  
laudes, & egregia facinora, quàm libenter quàm cupi-  
dè, si mihi dicendi vbertas, & explicandi locus esset,  
in astra tollerem, vt ei aliquam partem voluntatis mu-  
tue in patriam meam Lucinianum tribuerem: quod qui-  
dem Hetruriæ oppidum cum in hostium manus arte ma-  
gis, quàm viribus venisset, Galeatius ad hostium fau-  
tores legatos misit, quibus bellum suo nomine indiceretur,  
nisi curassent, vt in pristinam dignitatem Lucinianum  
restitueretur. Hanc igitur ob causam perpetuò & Me-  
diolano, & Galeatio patria mea plurimum debet, &  
obstricta

obstricta erit memoria beneficij sempiterna. Hic igitur  
Vir clarissimus summa religione & caeremonia ab Impe-  
ratore Vencislao Dux creatus est, qui si diutius in vita  
mansisset, Rex utiq; extitisset, atq; in altissimum locum  
hanc regiam Vrbem adduxisset. Sed me Imprudentem,  
qui tantæ Urbis res cum domi, tum foris fortiter, ac sapien-  
ter gestas in tanta temporis angustia exprimere conor,  
quarumquidem faciliorem ingressum, quam exitum vi-  
deo. Nam si mihi propositum erit dicendo enumerare,  
qua virtute fuerit contra potentissimos hostes, quantum  
gloriæ consecuta, quantis honoribus aucta, quot, quan-  
tisq; Viris illustrata, ac decorata fuerit, nullum finem  
oratio nostra esset inuentura. Sed quoniam præclare noui  
me non historiam texere, sed orationem habere, ex in-  
finita rerum silua aliquos flosculos carpandos, ac delibe-  
randos existimaui. Ut igitur ad Vestræ Urbis nobilita-  
tem nihil posset accedere, nihil eæ desiderari, præterquam  
quod quamplurimis Illustribus, ac nobilissimis familijs  
omnium seculorum ætate floruit, floretq; memoria nostra  
ut cum maximè, quæ in omni virtutum genere possent  
cum ipsis Romanis decertare: ex ea etiam tamquam ex  
equo Troiano innumeri principes exierunt, ornataq; est sa-  
pientibus veluti Sideribus cælum: Prodiit enim ex hac  
Urbe Alexander secundus Pontifex Maximus, qui ob  
humanitatem, doctrinam, ac religionem absens Ponti-  
fex creatus est. Tum Urbanus tertius ex nobilissime Cri



belliorum Familia, qui ut optimus Pontifex cum omnia  
summa fecisset, ut inter Christianos principes pacem con-  
ciliaret, cumq; ut captam Hierosolimam a Saladino Sa-  
racenorum Rege audisset, Venetias proficiscens compa-  
rande clasís gratia animi dolore, quem ex Christiano-  
rum calamitate acceperat, ex hac vita migravit: Cele-  
stinus etiã Castilionius Mediolanensis ciuis extitit: hic de  
cimo octauo die Pontificatus obiit magno sui desiderio re-  
lieto: sperabant enim homines (ut literis mädatum est)  
se eius Pontificatu felices futuros. Nunc autem Christia-  
na religio Pio IIII. Pontifice Maximo Mediolanensi  
ciue fruitur, quem ei de cælo diuinitus delatum prædicat:  
in his enim miseris, ac perditis temporibus nihil aliud  
agit, nihil curat, nisi ut Christiana Respublica salua,  
liberaq; sit, nullum locum prætermittit monendi, agendi,  
prouidendi: hoc deniq; animo est, ut si in hoc diuino ma-  
gistratu vita ei ponenda esset, præclare secum actum pu-  
taret. Tum non ne ciues vestri extiterunt Didius Iulia-  
nus, & Maximianus herculeus Imperatores? Nonne  
etiam quamplurimi Cardinales omni virtutum genere  
Præstantes? ex quibus quis satis dignè laudare vnquam  
poterit Iacobi Simoneta, Ioannis Moroni, Borromei,  
ac Io. Antonij Serbelloni virtutem, & probitatem?  
quis non quatuor ætatis nostræ lumina appellabit? Longū  
esset Archiepiscopos, Episcopos, Duces, tum ex Vi-  
cecomitum familia, tum etiam ex nobilissima Sfortio-  
rum



rum stirpe, alijsq; familijs quorum egregia facta, & di-  
cta optimorum scriptorum monumentis, quæ vos non su-  
giunt, cõmendata sunt. Dicam tamen, quod piè tacere nõ  
possum doctissimis viris, & optimarum artium gloria  
cumulatis hanc urbem omni tempore viguisse: atq; ex in-  
numeris, ac propè infinitis duos tantum honoris gratia no-  
minabo, nobilem scilicet, & antiquum illum Poetam  
Cecilium, & nostra memoria Andream Alciatum  
doctissimum virum, qui in iure ciuili nulla controuersia  
familiam ducebat, cuius lucubrationes in studiosorum  
manibus assidue habentur. Quot, quãtisq; præterea Iure-  
consultis integerrimis, acutissimis Philosophis, pruden-  
tissimis Medicis, Astronomis, Poetis, Oratoribus,  
Cosmographis, præstantissimisq; Theologis floruit, flor-  
retq; Mediolanum, quosquidem si enumerare vellem,  
dies, vox, latera deficerent. O nobilem igitur, ac genero-  
sam stirpem, & tanquam in vnâ arborem plura ge-  
nera, sic in hanc urbem insitam, atq; illuminatam sapien-  
tiam. O nomen, ac dignitatem Reipublicæ Mediola-  
nensis. O ciuium sic latè longèq; diffusam laudem. O na-  
tiones, vrbes, populi, Reges Tetrarchæ Tiranni testes  
mediolanensium ciuium non solum virtutum in bello, sed  
etiam in pace: Vos deniq; murræ regiones, appello, vos  
maria, portus, litoraq;: quæ est enim ora, quæ sedes, qui

doctrinae, tum denique religionis, ac munificentiae impres-  
sa vestigia? quae duo extrema religio scilicet, & muni-  
ficientia cum insita à natura Mediolanensibus propè sint,  
fieri nunquam potuit, ut ex animo cuiusque vestrum di-  
uellerentur. Etenim religionem illam patriam, atque aui-  
tam animis vestris imbitam, ac caerimonias omnes san-  
ctissimas tanta veneratione semper coluit haec ciuitas, ut  
nihil religiosius ea fieri unquam potuerit. Testes sunt tot  
magnifica Tempia, tot Religiosorum, ac sacrarum Vir-  
ginum caenobia, Ecclesia denique ipsa orthodoxa, in qua  
nequid nouaretur, ne de ipsius religionis ulla in re fieret  
commutatio, tanto studio curauit, ut in minimis etiam  
diligentissima fuerit. Quoties (Auditores religiosissimi)  
qui in peruersa sunt haeresi, repente tanquam serpentes è  
latibulis oculis eminentibus, inflato collo, tumidis ceruici-  
bus in Italiam se contulisset? quoties Romam? quoties  
Italiae Vrbes, et Oppida vastassent? quoties domos nostras  
vel diripiendas, vel inflammandas reliquissimus? nisi  
Mediolanum tanquam murus aeneus tanquam pro-  
pugnaculum validissimum hostibus oppositum, atque ob-  
iectum fuisset. Legi ego amplius sexcentis in locis Barba-  
ras illas nationes singulari immanitate, & crudelitate  
praeditas, ut omne odium inclusum nefarijs eorum sensi-  
bus in Italiam profunderent, in hanc Urbem impetum,  
atque impressionem fecisse, à qua aut profligatae, & pe-  
nitius fusae fuerunt, aut summo cum earum dedecore ex

Italia

Italia eiectione: quæ si ad ea, quæ mentibus consccleratis, ac  
nefarijs concupiebant, aspirassent, in cinere domum no-  
strarum, & sanguine hominum exultassent, ac trium-  
phassent. Quare si pietatem vestram, ac religionem in  
Deum, si beneficia in Romanam Ecclesiam, si in Ita-  
liam merita vna oratione, vel vno die complecti volue-  
ro, nihil amplius agam, quam si vnius riuuli angustijs  
vniuersum oceanum restringere tentauero. Cum autem  
hæc ciuitas affluens, opulenta, & omni copiarum gene-  
re abundans ita semper extiterit, vt multi fuerint, sintq;  
nostra memoria, qui suis fructibus exercitum alere pos-  
sent: nunquam tamen magis diues, quàm liberalis fuit:  
etenim Mediolanensium ciuium animi non ad auari-  
tiam, quæ omnia iura diuina, atq; humana peruertit spe-  
ctant, <sup>ruat</sup> sed ad gratificandi facultatem, ad munificentiam  
ac liberalitatem: de qua si mihi dicendum esset, diffici-  
lius esset exitum, quàm principium inuenire: ea enim  
tam insignis semper fuit, tam singularis, vt nulla ferè  
sit gens tam Barbara, tam agrestis, nullum homi-  
num genus, quod non dixerim mediocres, sed vber-  
rimos liberalitatis vestræ fructus non perceperit non mo-  
do illius, quæ moralis, & politica est, sed eius etiam  
quæ propria est christianorum, quæ eleemosina dicitur

ac inopia laborantibus dexteram assidue porrexit hac ciuitas; quos labentes excepit, corruiere non sinit, quibus denique nullo loco defuit. Te appello, Franciscana mea Respublica, quae qua memoria, quae ingenij, quae magnitudine obseruantiae innumerabilibus beneficijs munificentissima huius Urbis respondere poteris? quae te insinum & gremium suum recepit, quae tibi pulcherrimum domicilium est elargita, quae tibi ea omnia, quae aduictum, cultumque pertinent, abunde suppeditauit, quae tanto amore in te, ac studio fuit; ut excogitauerit, quemadmodum te honestaret & quam amplissimis rebus ornaret, quae denique in his nostris communibus comitijs tam praestanti liberalitate, ac beneficentia in nos omnes usa est, ut nihil addi posse videatur. Quapropter, Viri Mediolanenses, immensum quiddam, & infinitum est, quod vobis, quod vestrae ciuitati debeamus: quibus quoniam gratiam referre tantam non possumus, quantam debemus, habemus tamen quantam maximam animi nostri capere possunt: Etenim, Viri clarissimi, cum omnibus virtutibus nos affectos esse cupiamus, tamen nihil est quod malimus, quam nos & gratos esse, & videri: haec est enim una virtus non solum maxima, sed etiam mater virtutum omnium reliquarum. Itaque conspectus, & confessus iste vester mentes nostras recreat, cum vnumquemque vestrum intuemur, & contemplamur: videmus enim in hoc numero neminem, qui non sit singulari in nos beneuolentia

lencia, cuius non extet in nos suum meritum, cui non si-  
mus obstricti memoria beneficij sempiterna. Omnes igi-  
tur nos gratias agere gestimus, amplissimus presertim  
Antistes noster Antonius Augustanus, qui quoniam per  
multos annos in complexu, gremioq; uestro conqueiuit, &  
à vobis semper benignè fuit acceptus, compluribusq; offi-  
cijs affectus, vos omnes nobilissimamq; urbem vestram  
in ore, atq; in amore vsq; quaq; habebit: qui, quòd hac  
nobilissima ciuitas patria propemodum ipsa ei est charior  
benignitate, ac munificentia vestra fretus hìc potissimum  
generalia comitia nostra habenda curauit. Quodcum à  
sapientissimo vestro senatu impetrauerit Deo optimo ma-  
ximo approbante: cumq; eximia liberalitatem, ac hu-  
manitatem vestram satis superq; sit expertus, nullam  
partem vestrorum meritorum non modo referenda, sed  
ne cogitanda quidem gratia se consequi posse videtur. Ve-  
rùm tum ipse, cui vnusquisq; vestrum in medullis, ac  
visceribus hæret, perpetuòq; hærebit: tum nos omnes me-  
moriā vestrorum in nos meritorum colimus beneuolen-  
tia, atq; obseruantia sempiterna, splendeatq; ea semper,  
nec vllis vnquam sordibus obsolescet: Deumq; optimum  
maximum precabimur, vt omnia vobis, liberisq; vestris,  
posterisq; eorum prosperè eueniant, vt perpetuò sint fau-

Handwritten text in a cursive script, likely a historical document or letter. The text is written in a dark ink on aged, slightly discolored paper. The script is dense and fills most of the page, with some lines appearing slightly faded or less distinct than others. The overall appearance is that of a formal or official communication from a past era.

At the bottom of the page, there is a line of text that appears to be a signature or a closing phrase, possibly followed by a date or a reference. The handwriting is more stylized and less legible than the main body of the text.





